

**Qanilleqqusinningineq, najugaqataasinnaannginneq aamma
anisitsisarneq pillugit inatsisip Kalaallit Nunaanni
atuutilersinneqarnissaa pillugu peqqussut**

Uagut MARGRETHE AAPPAAT, Guutip saammaassineratigut Danmarkimut dronningi nalunaarpugut:

Qanilleqqusinningineq, najugaqataasinnaannginneq aamma anisitsisarneq pillugit inatsimmi nr. 112, 3. februar 2012-imeersumi § 26, imm. 2¹ naapertorlugu, aamma pillaasarneq pillugu inatsimmik allanngineq pillugu inatsimmi nr. 434, 1. maj 2013-imeersumi § 5-imi imm. 2² aamma qanilleqqusinningineq, najugaqataasinnaannginneq aamma anisitsisarneq pillugit (Aappariilersarnernut atasumik upperisarlugu tunngavigalugu katititsisarnerni pinngitsaaliisarnernit annertunerusumik suliniuteqarfiginissaat) inatsit naapertorlugit aalajangersarneqarpoq, qanilleqqusinningineq, najugaqataasinnaannginneq aamma anisitsisarneq pillugit inatsit Kalaallit Nunaanni atuutissasoq imatut oqaasertaqartillugu:

Kapitali 1

Qanilleqqusinningineq aamma najugaqataasinnaannginneq

§ 1. Qanilleqqusinninginnermi inuk inummik allamik inuttut, oqalunnikkut imaluunniit allakkatigut, tassunga ilagitillugu elektronikikkut attaveqaatit atorlugit, imaluunniit allatigut attaveqarnikkut imaluunniit malersuinikkut ujartuinissamik inertigaasinnaavoq.

§ 2. Qanilleqqusinningineq pisinnaavoq

- 1) tunngavissaqartumik pasinartoqarpat, inuk
 - a) inuup inuup allap eqqissisimaneranik innarliisimasoq malersuinikkut imaluunniit inummik allamik attaveqarnikkut nuanniilliortitsilluni il.il. § 1-imi taaneqartutut imaluunniit
 - b) inummut allamut peqquserluummik, taamatut eqqissisimanermik innarliinermik iliuseqarsimappat
 - 2) aalajangersimasunik pissutissaqarpat pineqartoq allamut nr. 1-imi taaneqartutut nangittumik innarliiumaartoq
- Imm. 2. Qanilleqqusinningineq aamma pisinnaavoq,*
- 1) tunngavissaqartumik pasinartoqarpat, inuup pinerluttulerinermik inatsisip inuarnernut, ujajaanernut, kiffaanngissusiiaanernut, nakuusernermut, ikuallatsitsinernut, pinngitsaaliilluni atoqate-qarnermut imaluunniit kinguaassiuutinut tungasumik allatut

imaluunniit pinerluutunik taaneqartunik iliorniarnikkut, aalajangersagaanik unioqquitsisimappat, aamma

- 2) pinerluffigineqartoq taassumaluunniit qaniginerusai inatsisunik unioqquitsinerup sakkortussusia naapertorlugu pinertumut attaveqarsinnaatinneqassanngitsut il.il. § 1-imi taaneqartutut

Imm. 3. Qanilleqqusinnginneq aamma pisinnaavoq inuk naammaginartumik tunngavissalimmik pasineqarpat pinerluttulerinermik inatsisip aalajangersagaanik inatsisit uniorlugit pinngitsaaliinermut inuk alla pinngitsaalillugu katitinniarlugu imaluunniit upperisaq naapertorlugu katitinniarlugu innuttaassutsimi atuuttuunngitsumik. Politimesteri pissutsit qanoq ippataluunniit § 14-imi imm. 1 naapertorlugu qanilleqqusinnginnermik aalajangiisinnaavoq.

§ 3. Najugaqataasinnaannginnermik aalajangersaanermi inuk peqquneqarsinnaavoq najugaqataasinnaanngitsoq imaluunniit pineqartup najugaata, suliffiata, ilinniarfiata imaluunniit sumiiffiata qanitaani aalajangersimasumi angalaarsinnaanngitsoq.

§ 4. Najuussinnaannginneq atortinneqarsinnaavoq tigusarinninnissaq pillugu piumasaqaatit § 2 naammassineqarsimappata,

- 1) pasinninnermi pineqarpat uteqattaartumik § 2, imm. 1, nr. 1-*imik* innarliineq, piaaraluni § 1 naapertorlugu tigusarinninnermik unioqquitsineq imaluunniit inatsisunik unioqquitsineq § 2, imm. 2-*mi*, imaluunniit 3-*mi*, imaluunniit § 8, nr. 1-*imi*, aamma
- 2) inuk alla illersorniarlugu § 1 naapertorlugu qanilleqqusinnginneq naammattutut isigineqarsinnaanngippat.

§ 5. Qanilleqqusinnginneq piffissami aalajangersimasumik ukiut 5 angullugit sivisussusilik atortinneqassaaq. Najugaqataasinnaannginneq piffissami aalajangersimasumi ukioq ataaseq sivisussusilik atortinneqassaaq.

§ 6. Qanilleqqusinnginneq imaluunniit najugaqataasinnaannginneq annertusineqarsinnaapput pinerluffigineqartup inoqutaasa ilaat ilanngullugu, pisariaqarsorinarpat qanilleqqusinnginnermik imaluunniit najugaqataasinnaannginnermi siunertamut tunngatillugu.

Kapitali 2

Anisitsineq

§ 7. Anisitsinermi inuk 18-*inik* ukioqalereersimasooq angerlarsimaffimmineeqqunagu anisinneqarsinnaavoq.

§ 8. Inuk anisinneqarsinnaavoq

- 1) tunngavissaqartumik pasinartoqarpat pineqartoq inoqutimi ilaannut tunngasumik pinerluttulerinermik inatsimmi §§ 74. 75, imaluunniit 98-imik unioqquutitsisimasoq imaluunniit pinerluttulerinermi inatsimmi kapitali 18-20-mik, annertuumik unioqquutitsinertut isigisassaasumik, unioqquutitsisimasutut, imaluunniit pineqartoq imatut pissusilersorsimasutut ilaqartumik inoqutit ilaannut nakuusernissamik siorasaarinermik.
- 2) paasissutissat malillugit aalajangersimasumik ilimanartoqarpat pineqartoq angerlarsimaffimmiiginnaruni nr. 1-imi taaneqartumik inatsimmik unioqquutitsisasoq.

§ 9. Anisitsinermik suliap suliarineranut atasumik politiit inummik tigummigallagas-sanngartitsisinnaapput, inuk taanna ilimanaateqarsorinarpat pissusilersorsimappat inoqutit ilaannut nakuusernissamik siorasarisumik ilalimmik.

Imm. 2. Tigummigallagassanngartitsinermi malittarisassat eqqartuussisarnermi inatsimmi §§ 350-356 tigusarinninnermut tunngasut atuupput. Tigummigallagassanngartitsineq akunnerit 24-t qaangernagit sivisussuseqartassaaq.

§ 10. Anisitsineq pisassaaq piffissami aalajangersimasumi sap. ak. sisamani.

§ 11. Anisitsinermik aalajangiineq pillugu politiit kommune nalunaarfigisassavaat kingusinnerpaamik aalajangerneq peqatigalugu.

Imm. 2. Kommunimut nalunaarutiginninnermi aammattaaq nassiunneqassapput paasissutissat allakkiattu suliamut tunngasut, tassunga ilagitillugit paasissutissat elektroniskimi toqqorsimasat, isumaginninnermi oqartussanut suliap ingerlannerani pingaaruteqartussat.

Kapitali 3

Aalajangersakkat ataatsimoortut

§ 12. Qanilleqqusinnginneq, najugaqataasinnaannginneq aamma anisitsineq pineqartup pissuseqarfigisaanut tamatumuuna attorneqartumut innarluttumik inissisimassanngilaq, inummut ataatsimut arlalinnuunniit pineqaatissiissutikkut illersorneqartussanut, aamma pineqartup pissusilersornerata pissusiani.

§ 13. Qanilleqqusinnginnermi, najugaqataasinnaannginnermi aamma anisitsinermi pineqanngillat attaveqarneq, najuunneq imaluunniit angalaneq pissutit immikkut ittut pillugit akuerisaasut.

§ 14. Qanilleqqusinnginneq, najugaqataasinnaannginneq aamma anisitsineq aalajangiunneqarsinnaapput, inuup pineqatissiissutikkut illersugaasussap qinnutigippagu, imaluunniit tamanik innimiginninnissamik piunasaappat.

§ 15. Qanilleqqusinninnermik, najugaqataasinnaannginnermik aamma anisitsinnermik suliani politiit illuatungeriit pissutissaqartillugu ilitersortassavaat inatsimmi matumani malittarisassanik.

Imm. 2. Qanilleqqusinninnermik, najugaqataasinnaannginnermik aamma anisinnermik politimestrerimit aalajangerneqartassaaq.

Imm. 3. Naalagaaffiup unnerluussisussaataata qanilleqqusaannginnermik, najugaqataasinnaannginnermik aamma anisitsinnermik naammagittaalliuutit suliarisassavai. Naalagaaffiup unnerluussisussaataata aalajangenera naammagittaalliuutigineqarsinnaanngilaq.

§ 16. Qanilleqqusinninnermik, najugaqataasinnaannginnermik aamma anisitsinnermik aalajangiinerit nalunaarutitut appunneqartassapput. Najugaqataasinnaannginnermik anisitsinnermillu nalunaaruteqarnermi pineqartoq ilitersorneqassaaq aalajangikkap eqqartuussisutigut suliassiissuteqarnissamik piumasaqarnissaminik pisinnaatitaaffianik.

Kapitali 4

Eqqartuussisutigoortitsineq

§ 17. Najugaqataasinnaajunnaarsitaasoq anisitaasorluunniit, aalajangernerup nalunaarutigineraniit ullut 14-it qaangiutsinnagit, piumasaqarsinnaavoq politiit aalajangerneq eqqartuussisunut ingerlatissagaat.

Imm. 2. Najugaqataasinnaannginnermik anisitaanermilluunniit eqqartuussisutigoortitsinissamik piumasaqartup (naammagittaalliuuteqartup) politiinut nalunaarutigissavai sumiinneq aamma oqarsuaateqarsimaguni taassuma normua, eqqartuussinerup piumaarsinnaaneraniq nalunaarfissatut. Eqqartuussinissamik nalunaarummik oqgersuuteqarnissaq pisariaqanngilaq.

Imm. 3. Suliaq sapinngisamik pilertornerpaamik aamma qinnuteqarnerup tigungineraniit sap. ak. ataatsip qaangiutinnginnerani sumiiffimmi suliaq naleqqunnerpaamik ingerlatinneqarfigisassaani eqqartuussisunut ingerlatinneqassaaq. Suliani anisitsinnermut tungasuni taamaattoq tamanna pisassaaq akunnerit 24 qaangiutsinnagit.

Imm. 4. Eqqartuussivitsigut ingerlatitsiniarneq suliaq ingerlanneranut kinguarsaataanngilaq.

§ 18. Eqqartuussinnermi inatsisilerituumik piginnaaniliisoqassaaq eqqartuussisarnermi inatsimmi §§ 322 aamma 323 naapertorlugit, inummut anisitsineq pillugu aalajangernermik eqqartuussisutigoortitsiumasumut. Eqqartuussinnermi inatsisileritooq piginnaaniliisoqarsinnaavoq eqqartuussisarnermi inatsimmi §§ 322 aamma 323 naapertorlugit inummut najugaqataasinnaannginneq pillugu aalajangernermik eqqartuussisutigoortitsiniartumut, eqqartuussiviup suliaq qanoq issusia, akuliunnerup pissusia, naammagittallortup inutaa aamma pissutsit allat pillugit kissaatigippagu. Eqqartuussinnermi inatsisileritooq

piginnaaniligaasoq piginnaatitaavoq pinerluttulerinermik sulianitulli. Eqqartuussinermi inatsisilerituumut piginnaanilikkamut akissarsiassat siumoortumillu akilerallakkanut taartisiassat pigaani malittarisassat illersuisunut piginnaanilikkanut atuuttut assigaat, tak. Eqqartuussisarnermi inatsimmi § 331. Eqqartuussisarnermi inatsimmi § 260, imm. 3 aamma assinganik atuuffeqarpoq.

Imm. 2. Pinerluffigineqarsimasumut illersuisumik piginnaaniliisoqassaaq, eqqartuussivimmi nalunaaruteqartussamik. Eqqartuussisarnermi inatsimmi § 333, imm. 5-imi malittarisassat assinganik atuupput. Illersuisumut akissarsiat siu Moornermullu taartisiassat eqqartuussisarnermi inatsimmi § 333, imm. 4-miittut atuupput.

§ 19. Suliaq oqaasiinnakkut ingerlanneqassaaq, kisiannili eqqartuussiviup aalajangiineratigut suliaq allakkatigut ingerlanneqarsinnaavoq, tamanna nangaanartoqartinneqanngippat.

Imm. 2. Suliaq oqalunnikkut ingerlanneqarpat, eqqartuussineq sapinngisamik piler-tornerpaamik ingerlanneqassaaq. Suliap eqqartuussivikkoortinnissannik qinnuteqarneq anisitaanermik siullermeertumik aalajangernerup nalunaarutiginerani pippat, eqqartuussineq ingerlanneqassaaq ullut tallimat qaangiutsinnagit.

Imm. 3. Naammagittaalliuuteqartoq pisinnaatitaavoq eqqartuussisoqassatillugu najuutis-salluni oqaaseqarlunilu, eqqartuussivik aalajangiingippat pissutit aalajangersimasut pillugit tamanna pineqartumut iluaqutaassanngitsoq imaluunniit ajoqutaassasoq.

Imm. 4. Eqqartuussivik aalajangiissaq allakkiat naammagittalliortumillu eqqartuussivimmi nassuiaat tunngavigalugit. Pissutsini immikkut ittuni eqqartuussiviup ilisimannittunit takussutissat ilassutaasut akuerisinnaavai.

Imm. 5. Eqqartuussiviup aalajangiussaa aalajangernikkut pisassaaq. Aalajangerneq imaappat innarliineq akuerineqartoq, aalajangerneq nalunaarneqassapput suliameq pissutsit tapersiissutaasut piumasarineqartut naammassinerannut.

Imm. 6. Naammagittalliortoq pinerluttulerinermik suliameq suliameq akiliisussanngor-titaappat, pissutsinut najugaqataasinnaannginnermut anisitaanermulluunniit pissutaasunut, eqqartuussutikkut pinerluttulerinermi suliaq pisussaatinneqassaaq ilassutaasumik pineqartoq akiliissasoq najugaqataasinnaannginnermi anisitaanermiluunniit sulianut. Eqqartuussiviulli immikkut ittumik aalajangersinnaavaa, akiligassat tamakku tamarmik ilaannaalluunniit naalagaaffiup karsianit akilerneqassasut, pissutsit immikkut ittut taamaattussaati passuk.

§ 20. Pinerluttulerinermi eqqartuussisarnermi inatsimmi malittarisassat tamani atuupput.

Imm. 2. Taarsiinissamik piumasaqaatit eqqarsaatigalugit eqqartuussisarnermi inatsimmi § 493 atuuppoq. § 9 naapertorlugu kiffaanngissusiiagallarneq eqqarsaatigalugu kisianni eqqartuussisarnermi inatsimmi § 486 atuutissaaq anisitaaneq naammassineqanngippat imaluunniit akuerineqanngippat.

Kapitali 5

Pineqaatissiissutit

§ 21. § 1 naapertorlugu tigusarineqarsimasoq, § 3 naapertorlugu najugaqataasinnaajunnaarsitaasoq imaluunniit § 7 naapertorlugu anisitaasimasoq pineqaatissinneqassapput pinerluttulerinermik inatsimmi piaaraluni taassuminnga unioqqutitsisimasutut.

Imm. 2. Imm. 1-imik unioqqutitsineq pinerluffigineqartup piunasaqarnera malillugu taamaallaat assuarliutigineqassaaq, nalinginnaasumik innimiginninnerup tamanna pisussaatinngippagu.

Kapitali 6

Inatsimmi allami allannguut

§ 22. Pinerlunnikkut innarligaasimasunut naalagaaffiup taarsiis-suteqartarneranik inatsimmi Kalaallit Nunaannut peqqussutikkut nr. 472 25. september 1984-ikkut atuutilersitaasumi, peqqussutikkut nr. 1197 21. december 1995-imi aamma peqqutikkut nr. 11 48 26. november 2004-mi allannguiffigineqartumi, allannguut manna ikkunneqassaaq:

1. ”§ 1, imm. 1, imm. 1-imi ”Kalaallit Nunaanni pinerluttulerinermik inatsit”-ip kingorna ikkunneqassaaq: ”imaluunniit qanilleqqusinningineq, najugaqataasinnaanningineq aamma anisitaaneq pillugu inatsit”.

Kapitali 7

Atuutilersitsineq

§ 23. Peqqussut atuutilersinneqarpoq ulloq 1. april 2017.

Christiansborg Slot-imi atulersitaasoq, ulloq 20. Marts 2017

Kunngisut atsiorpugut naqissusiillutalu

MARGRETHE R.

/ Søren Pape Poulsen

¹⁾Aalajangersagaq ima oqaasertaqarpoq: ”Inatsit Kalaallit Nunaanni atuutinnigilaq, kisianni §§ 22 aamma 23 kunnigip peqqussutaatigut tamakkiisumik imaluunniit ilaannakortumik Kalaallit Nunaanni atulersinneqarsinnaavoq allannguutit Kalaallit Nunaanni pissutsit pisariaqalersitaat malillugit.”

²⁾ Aalajangersagaq ima oqaasertaqarpoq: ” Inatsit Kalaallit Nunaanni atuutinnigilaq, kisianni §§ 2 aamma 3 kunnigip peqqussutaatigut tamakkiisumik imaluunniit ilaannakortumik Kalaallit Nunaanni atulersinneqarsinnaavoq allannguutit Kalaallit Nunaanni pissutsit pisariaqalersitaat malillugit.”